

四庫全書

史部

欽定四庫全書

宋史卷六十七

元中書右丞相總裁托克托等修

五行志第二十

五行五

土

稼穡作甘土之性也土失其性則為災凶舊說以恒風
脂夜之妖孽孽羸蟲之孽牛禍黃青黃祥皆屬之土今
從之

建隆元年河南諸州乏食乾德元年齊隰等州饑二年
州府二十二饑開寶四年州府六水一旱諸州民乏食
五年大饑六年水民饑九年州府十二饑太平興國四
年太平州饑淳化元年開封河南等九州饑五年京東
西淮南陝西水潦民饑咸平五年河北及鄭曹滑饑景
德元年江南東西路饑二年淮南兩浙荆湖北路饑三
年京東西河北陝西饑大中祥符三年陝西饑四年河
北陝西劔南饑五年河北淮南饑七年淮南江浙饑八

年陝西州府五饑天禧元年饑三年江浙及利州路饑
天聖三年晉絳陝解饑明道元年京東淮南江東饑二
年淮南江東西川饑寶元二年益梓利夔路饑嘉祐三
年夔州路旱饑熙寧三年河北陝西旱四年河北旱饑
六年淮南江東劔南西川閬州饑七年京畿河北京東
西淮西成都利州延常潤府州威勝保安軍饑八年兩
河陝西江南淮浙饑九年雄州饑十年漳泉州興化軍
饑元豐元年河北饑四年鳳翔府鳳階州饑七年河東

饑元符二年饑崇寧元年江浙熙河饑大觀三年秦鳳
階成饑重和元年京西饑五年河北京東淮南饑建炎
元年汴京大饑米升錢三百一鼠直數百錢人食水藻
椿槐葉道殣骸無餘齒三年山東郡國大饑人相食時
金人陷京東諸郡民聚為盜至車載乾尸為糧紹興元
年行在越州及東南諸路郡國饑淮南京東西民流常
州平江府者多殍死二年春兩浙福建饑米斗千錢時
饑饉繁急民益艱食三年吉彬道州桂楊監饑五年湖

南大饑殍死流亡者衆夏潼川路饑米斗二千人食糟
糠興元饑民流于果閬秋溫處州饑六年春浙東福建
饑湖南江西大饑殍死甚衆民多流徙郡邑盜起夏蜀
亦大饑米斗二千利路倍之道殛枕藉是歲果州守臣
宇文彬獻禾粟九穗圖吏部侍郎晏敦復言果遂饑民
未蘇不宜道諛坐黜爵七年夏欽廉邕州饑九年江東
西浙東饑米斗千錢饒信州尤甚十年浙東江南荐饑
人食草木十一年京西淮南饑十八年冬浙東江淮郡

國多饑紹興尤甚民之仰哺於官者二十八萬六千人
不給乃食糟糠草木殍死殆半十九年春夏紹興府大
饑明婺州亦如之二十四年衢州饑二十八年平江府
饑二十九年紹興府荐饑隆興元年紹興府大饑四川
尤甚平江襄陽府隨泗州棗陽盱眙軍大饑隨棗間米
斗六七千二年平江府常秀州饑華亭縣人食粃糠行
都及鎮江府興化軍台徽州亦艱食淮民流徙江南者
數十萬乾道元年春行都平江鎮江紹興府湖常秀州

大饑殍徙者不可勝計是歲台明州江東諸郡皆饑夏
亡麥二年夏亡麥三年九月不雨麥種不入四年春蜀
印綿劍漢州石泉軍大饑邛為甚盜延八郡漢饑民至
九萬餘五年夏饒信州荐饑民多流徙徽州大饑人食
蕨葛台楚州盱眙軍亦饑秋冬不雨淮郡麥種不入六
年冬寧國府廣德軍太平湖秀池徽和州皆饑七年秋
江東西湖南十餘郡饑江筠州隆興府為甚人食草實
流徙淮甸詔出內帑收育棄孩淮郡亦荐饑金人運麥

於淮北岸易南岸銅鏹斗錢八千江西饑流光濠安豐
間皆效准人私糶錢為之耗荆南亦饑八年江西亡麥
隆興府荐饑南昌新建縣饑民仰給者二萬八千餘九
年春成都永康邛三州饑秋台州饑溫婺州亦饑淳熙
元年浙東湖南廣西江西蜀闕外皆饑台處柳桂昭賀
尤甚二年淮東西江東饑滁真揚州盱眙軍建康府為
甚是歲鎮江寧國府常州廣德軍亦艱食詔獎建康留
守劉珙振濟有方三年淮甸饑夏台州亡麥冬復施隨

郢州荆門軍襄陽江陵德安府大饑四年春尤饑六年
冬和州饑通泰楚州高郵軍大饑人食草木七年鎮江
府台州無為廣德軍民大饑是歲江浙荆湘淮郡皆饑
八年春江州饑人采葛而食詔罷守臣章騏冬行都寧
國建康府嚴婺太平州廣德軍饑徽饒州大饑流淮郡
者萬餘人浙東常平使者朱熹進對論荒政請蠲田賦
身丁錢詔江浙淮湖北三十八郡並免之九年春大亡
麥行都饑於潛昌化縣人食草木紹興府衢婺嚴明台

湖州饑徽州大饑種稔亦絕湖北七郡荐饑蜀潼利夔
三州郡國十八皆饑流徙者數千人十年合昌州荐饑
民就振相蹂死者三千餘人十一年泉汀漳州興化軍
亡禾邕賓象州饑十二年福建饑亡麥江西廣東西饑
金州饑有流徙者十四年金洋階成鳳西和州人乏食
七月秀州饑有流徙者臨安府九縣饑十六年夏成州
亡麥冬階成鳳西和州荐饑紹熙二年蘄州饑夔路五
郡饑渝涪為甚階成鳳西和州亡麥三年資榮州亡麥

善叙簡隆州富順監皆大饑亡麥殍死者衆民流成都
府至千餘人威遠縣棄兒且六百人揚州亦多饑四年
簡資普州饑絳州亡麥夏紹興府亡麥安豐軍大亡麥
五年冬亡麥苗行都淮浙西東江東郡國皆饑常明州
寧國鎮江府廬滁和州為甚人食草木慶元元年春常
州饑民之死徙者衆楚州饑人食糟粕淮浙民流行都
三年浙東郡國亡麥台州大亡麥民饑多殍襄蜀亦饑
四年秋浙東西存饑多道殣六年冬常州大饑仰哺者

六十萬人潤揚楚通泰州建康府江陰軍亦乏食嘉泰元年浙西郡國荐饑常州鎮江嘉興府為甚二年四川饑廣安淮安軍潼川府大亡麥衡郴州武岡桂陽軍乏食三年春邵永州大饑死徙者眾民多剽盜夏行都艱食四年春撫袁州隆興府臨江軍大饑殍死者不可勝瘞有舉家二十七人同赴水死者開禧二年紹興府衢婺州亡麥湖北京西淮東西郡國饑民聚為剽盜南康軍忠涪州皆饑嘉定元年淮民大饑食草木流於江浙

者百萬人先是淮郡罹兵農久失業米斗二千殍死者
十三四炮人肉馬矢食之詔所至郡國振恤歸業時邦
儲既匱郡計不支去者多死亦有俘掠而北者是歲行
都亦饑米斗千錢二年春兩淮荆襄建康府大饑米斗
錢數千人食草木淮民刳道殍食盡發瘞皆繼之人相
搯噬流於揚州者數千家度江者聚建康殍死日八九
十人是秋諸路復大歉常潤尤甚冬行都大饑殍者橫
市道多棄兒三年春建康府大饑人相食五月衢州饑

頗聚為剽盜七年台州大亡麥八年淮浙江東西饑都
昌縣為盜者三十六黨九年行都饑閭巷有殍十年台
衢婺饒信州饑剽盜起台為甚蜀石泉軍饑殍死殆萬
餘人十一年淮浙江東饑饉亡麥苗十二年春潼川府
饑而不害十三年春福州饑人食草根十六年春海州
新附山東民饑京東河北路新附山西民亦饑湖南永
道州大饑是歲行都江淮閩浙郡國皆亡麥禾十七年
春餘杭錢塘仁和三縣饑鎮江府饑真鄂州亦乏食嘉

熙四年紹興府荐饑臨安府大饑嚴州饑咸淳七年江
南大饑八年冬襄陽饑人相食德祐二年正月揚州饑
三月揚州穀價騰踴民相食

乾德二年五月揚州暴風壞軍營舍僅百區三年六月
揚州暴風壞軍營舍及城上敵棚開寶二年三月帝駐
太原城下大風一夕而止八年十月廣州颶風起一晝
夜雨水二丈餘海為之漲飄失舟楫九年四月宋州大
風壞甲仗庫城樓軍營凡四千五百九十六區太平興

國二年六月曹州大風壞濟陰縣廨及軍營四年八月
泗州大風浮梁竹竿鐵索斷華表石柱折六年九月高
州大風雨壞廨宇及民舍五百區七年八月瓊州颶風
壞城門州署民舍殆盡八年九月太平軍颶風拔木壞
廨宇民舍千八十七區十月雷州颶風壞廩庫民舍七
百區九年八月白州颶風壞廨宇民舍端拱二年京師
暴風起東北塵沙曠日人不相辨淳化二年五月通利
軍大風害稼三年六月丁丑黑風自西北起天地晦暝

雷震有頃乃止先是京師大熱疫死者衆及北風至疫
疾乃止至道二年八月潮州颶風壞州廨營砦咸平元
年八月涪州大風壞城舍四年八月丙子京師暴風景
德二年六月甲午大風吹沙折木八月福州海上有颶
風壞廬舍三年七月丙寅京師大風四年三月甲寅夕
京師大風黃塵蔽天自大名歷京畿害桑稼唐州尤甚
大中祥符二年四月乙未大風起京師西北連日不止
五年八月京師大風七年三月戊辰京師大風揚沙礫

是日百官習儀恭謝壇有隳仆者八年六月辛亥京師
風起已位吹沙揚塵天禧二年正月永州大風發屋拔
木數日止三年五月徐州利國監大風起西南壞廬舍
二百餘區壓死十二人四年四月丁亥大風起西北飛
沙折木晝晦數刻五月乙卯暴風起西北有聲折木吹
沙黃塵蔽天占竝主陰謀姦邪是秋內侍周懷政坐妖
亂伏誅天聖九年十二月辛酉大風三日止景祐元年
六月己巳無錫縣大風發屋民被壓死者衆九月甲寅

夜漏上風自丑起有聲擺木鳴條二年六月戊寅平明
風自未來占者以為百穀豐衍之候皇祐四年七月丁
巳大風起西北方拔木嘉祐二年正月元日平旦有風
從東北來徧天有蒼黑雲占云大熟多雨熙寧四年二
月辛巳京東自濮州至河北旁邊大風異常百姓驚恐
六年四月館陶縣黑風九年十一月海陽潮陽二縣颶
風潮害民居田稼十年六月武城縣大風壞縣解知縣
李愈妻主簿寇宗奭妻之母壓死七月温州大風雨漂

城樓官舍元豐四年六月邕州颶風壞城樓官私廬舍
七月甲午夜泰州海風作繼以大雨浸州城壞公私廬
舍數千間靜海縣大風雨毀官私廬舍二千七百六十
三楹丹陽縣大風雨溺民居毀廬舍丹徒縣大風潮飄
蕩沿江廬舍損田稼六月邕州颶風壞城樓官私廬舍
五年六月朱崖軍颶風毀廬舍元祐八年福建兩浙海
風駕潮害民田紹聖元年秋蘇湖秀等州有風害民田
靖康元年正月望夜大風起西北有聲吹沙走石盡明

日乃止二月戊申大風起東北揚塵翳空三月己巳夜
五更大風乍緩乍急聲如叫怒十一月丁亥大風發屋
折木閏十一月甲寅大風起北方雪作盈數尺連夜不
止二年正月己亥天氣昏曠狂風迅發竟日夜西北陰
雲中如有火光長二丈餘濶數尺民時時見之庚戌大
風雨二月乙酉大風折木晚尤甚三月己亥大風四月
庚申朔大風吹石折木辛酉北風益甚苦寒建炎元年
正月丁酉大風吹石折木十二月乙酉大風拔木紹興

二十八年七月壬戌平江府大風雨駕潮漂溺數百里
壞田廬三十二年七月戊申大風拔木温州大風壞屋
覆舟隆興元年浙東西郡國風水傷稼三年八月大風
雨漂蕩田廬乾道二年八月丁亥温州大風雨駕海潮
殺人覆舟壞廬舍五年十月台州大風水壞田廬八年
六月丙辰惠州颶風壞海艦三十餘時樞密院調廣東
經畧司水軍四艦覆其三死者百三十餘人淳熙三年
六月大風連日四年九月明州大風駕海潮壞定海鄞

縣海岸七千六百餘丈及田廬軍壘六月乙巳夜福清
縣興化軍大風雨壞官舍民居倉庫及海口鎮人多死
者五年正月庚戌大風六年十一月鄂州大風覆舟溺
人甚衆七年二月江陵府大風火及舟焚溺死者尤衆
十年八月辛酉雷州颶風大作駕海潮傷人禾稼林木
皆折紹熙二年三月癸酉瑞安縣大風壞屋拔木殺人
四年七月興化軍海風害稼五年六月丙子大風七月
乙亥行都大風拔木壞舟甚衆紹興府秀州大風駕潮

害稼秋明州颶風駕海潮害稼十月戊戌行都大風拔
木慶元二年六月壬申台州暴風雨駕海潮壞田廬六
年三月甲子大風拔木嘉泰三年十月丁未暴風十一
月癸未大風四年正月乙亥亦如之開禧元年四月乙
卯九月庚戌大風嘉定元年九月乙丑大風二年二月
戊子大風七月壬辰台州大風雨駕海潮壞屋殺人三
年八月癸酉大風振木折禾穗墮果實寧宗露禱至于
丙子乃息後御史朝陵于紹興府歸奏風壞陵殿宮墻

六十餘所陵木二千餘章四年閏月丁未大風六年十
二月餘姚縣風潮壞海堤亘八鄉七年正月庚辰江州
放燈黑雲暴風忽作遊人相踐死者二十餘十年正月
乙未大風拔木十一月丁丑大風十一年二月甲寅大
風十月戊午大風十三年十一月庚戌王子大風十二
月戊午大風十四年六月辛巳大風十六年秋大風拔
木害稼十七年秋福州颶風大作壞田損稼冬鄂州暴
風壞戰艦二百餘壽昌軍壞戰艦六十餘江州興國亦

如之嘉熙二年風電三年風電淳祐十一年泰州風景
定四年十一月福州颶風咸淳四年閏月丁巳大風雷
雨居民屋瓦皆動七年五月甲申紹興府大風十年四
月紹興府大風拔木

端拱二年京師暴風起東北塵沙曠日人不相辨淳化
三年六月丁丑黑風自西北起天地晦暝雷震有頃乃
止大中祥符二年九月無為軍城北暴風晝晦不可辨
拔木壞城門營壘民舍天聖六年二月庚辰大風晝暝

康定元年三月丙子大風晝暝經刻乃復嘉祐八年十一月丙午大風霾治平二年二月乙巳大風晝晦四年正月庚辰朔大風霾是日上尊號廷中仗衛皆不能整時帝已不豫後七日崩熙寧四年四月癸亥京師大風霾元祐八年二月京師風霾靖康二年正月己亥天氣昏曠風迅發竟日三月丁酉風霾建炎元年正月辛卯朔大風霾丁酉風霾日色薄而有暈二月丁酉汴京風霾日無光是日張邦昌僭位二年七月癸未風雨晝晦

是日東京留守宗澤薨紹興十一年三月庚申金人居
長安晝晦乾道五年正月甲申晝霾四塞淳熙五年四
月丁丑塵霾晝晦日無光慶元九年十二月乙未天雨
霾開禧元年正月壬午雨霾嘉定十年正月乙未晝霾
二月癸巳日無光德祐元年六月庚子朔日有食之既
天地晦冥咫尺不辨人雞鶩歸棲自己至申其明始復
至道二年秋九月環慶州梨生花占有兵明年契丹擾
北邊景德元年二月保順軍城壕水陷起文為桃李花

雜樹人物之狀大中祥符九年正月壩州渠水石如華
葩狀大觀二年十月乙巳龔邱縣檜生花萼如蓮實紹
興七年十二月中書門下省檢正官張宗元出撫淮西
軍寓建康槃永有文如畫佳卉茂木華葉相敷日易以
水變態竒出春暄乃止二十七年四月徽州祁門縣圃
桃已實復華淳熙初秀州呂氏家冰瓦有文樓觀車馬
人物芙蓉牡丹萱草藤蘿之屬經日不釋淳熙中興化
軍仙遊縣九巫山古木末生花臭如蘭

建隆二年九月渭南縣好舛蟲傷稼三年七月兗州濟
德磁洺蠃生乾德六年七月階州好舛蟲生太平興國
二年六月磁州青黑蟲羣飛食桑夜出晝隱食葉殆盡
七月邢州鉅鹿沙門二縣步屈蟲食桑麥殆盡五年七
月維州好舛蟲生食稼殆盡七年九月邠州好舛蟲生
食稼九年七月泗州蠃蟲食桑雍熙二年四月天長軍
蠃蟲食苗端拱二年七月施州好舛蟲生害稼淳化二
年四月中都縣蜴蟲生七月單州蜴蟲生遇雨死景德

元年八月陝賓棣州蟲螟害稼大中祥符四年八月充
州野舛蟲生有蟲青色隨齧之化為水六年九月陝西
同華等州野舛蟲食苗天聖五年五月戊辰磁州蟲食
桑景祐四年五月滑州靈河縣民黃慶家蠶自成被長
二丈五尺濶四尺嘉祐五年深州野蠶成繭被於原野
熙寧九年五月荆湖南路地生黑蟲化蛾飛去金州生
黑蟲食苗黃雀來食之皆盡元祐六年閏八月定州七
縣野蠶成繭七年五月北海縣蠶自織如絹成領帶元

符元年七月藁城縣野蠶成蠶八月行唐縣野蠶成蠶
九月深澤縣野蠶成蠶織紉成萬匹二年六月房陵縣
野蠶成蠶政和元年九月河南府野蠶成蠶四年相州
野蠶成蠶五年南京野蠶成蠶織紉五匹綿四十兩聖
蠶十五兩紹興二十九年秋浙東江東西郡縣螟三十
年十月江浙郡國螟蝻隆興元年秋浙東西郡國螟害
穀紹興府湖州為甚三年台州螟乾道三年八月江東
郡縣螟螣淮浙諸路多言青蟲食穀穗六年秋浙西江

東螟為害九年秋吉贛州臨江南安軍螟淳熙二年秋
浙江淮郡縣螟四年秋昭州螟五年昭州荐有螟滕七
年秋永州螟八年秋江州螟十二年八月平江府有蟲
聚于禾穗油洒之即墮一夕大雨盡滌之十四年秋江
州興國軍螟十六年秋温州螟慶元三年秋浙東蕭山
山陰縣婺浙西富陽鹽官淳安與永興縣嘉興府皆螟
四年秋鉛山縣蟲食穀無遺穗嘉定十四年明台溫婺
衢蝨滕為災十五年秋贛州螟十六年永道州螟紹定

三年福州螟端平元年五月當塗縣螟淳祐二年五月
兩淮螟景定三年八月浙東西螟

乾德三年眉州民王進牛生二犢四年南克縣民馬全
信及相如縣民彭秀等家牛生二犢開寶二年九隴縣
民王達牛生二犢太平興國三年流溪縣民白延進牛
生二犢五年溫江縣民趙進牛生二犢六年廣都縣趙
金牛生二犢七年什邡縣民王信華陽縣民袁武等牛
生二犢八年彭州民彭延閬州民陳則安樂縣民王公

泰牛生二犢九年七月知乾州衛昇獻三角牛雍熙三
年果州民李昭牛生二犢四年鄜縣民鮮于志鮮于臯
眉山縣海羅參仁壽縣民陰饒成都縣民李本成紀縣
民王和敏牛生二犢端拱元年眉州民陳希簡晉原縣
民張昭郁魏城縣民鮮于郜羅江縣民袁旅河陽縣民
李羨曲水縣民曾處梓潼縣民文光懿永泰縣民羅德
綿竹縣民陳洪牛生二犢淳化元年綿竹縣民李昌遠
薄逸閬州民和中惠州民王欽眉州民王圖九隴縣民

楊臯玄武縣民羊邁達牛生二犢二年永州縣民梁行
良仁壽縣民梁仁超牛生二犢三年成都府民彭齊卿
洪雅縣民程讓永昌縣民田昭巴州民杜文宥廬山縣
民白閏牛生二犢四年成都府民任順曲水縣民張思
方彭山縣民李承遠牛生二犢至道二年新都縣民蹇
成美牛生二犢潁陽縣民馮延密牛生三犢其二額有
白三年新津縣民文承富赤水縣民蘇福廣安軍吏胥
仁迪牛生二犢咸平元年眉山縣民向瓊玖陳元寶丹

陵縣民劉承鸚通泉縣民王居中曲水縣民楊漢成楊
景歡王思讓眉山縣民陳彥宥牛生二犢二年濛陽縣
民杜摯九隴縣民楊太眉山縣民蘇仁義洪雅縣吏陸
文贊牛生二犢三年叙浦縣民戴昌蘊牛生二犢四年
流溪縣民何承添晉原縣民頗全永昌縣民曾嗣犀浦
縣民何福彰明縣民王玘牛生二犢六年渠江縣民王
德進魏城縣民蒲諫王信石照縣民仲漢宗大足縣民
劉武牛生二犢景德元年魏城縣民閻明彭州濛陽縣

民郭琮牛生二犢二年三泉縣民李景順東海縣民時
祐小溪縣民劉可赤水縣民羅永並牛生二犢三年長
江縣民于承琛牛生二犢四年相如縣民楊漢暉邛州
安仁縣民羅瑩九隴縣民白彥成渠江縣民王繼豐家
及順安軍屯田務牛生二犢大中祥符元年龔邱縣民
李起牛生四犢判州王欽若圖以獻二年立山縣民盧
仁依銅山縣民勾熙正什邡縣民杜族南康縣民陳邦
並牛生二犢三年犍為縣民陳知進牛生二犢四年東

關縣民陳知進牛生二犢五年富順監些井塲官楊守
忠曲水縣民向平蓬溪縣民蹇知密牛生二犢六年廣
安軍依政縣民李福貴溪縣民徐志元牛生二犢七年
雙流縣民姚彥信涪城縣民張禮嘉州龍游縣民張正
夾江縣民郭昇天水縣民王吉牛生二犢八年仁壽縣
民何志通泉縣民羅永泰成都縣民張進華陽縣民楊
承珂牛生二犢九年平定軍平定縣民范訓臨邛縣民
楊暉牛生二犢天禧元年開江縣民冉津及澧州石門

縣層山縣牛生二犢二年臨邛縣民王道進臨溪縣民
王勝西縣民韓光緒牛生二犢四年貴溪縣民葉政牛
生二犢五年巴西縣民向知道牛生二犢自天聖迄治
平牛生二犢者三十二生三犢者一自熙寧二年距元
豐八年郡國言民家牛生二犢者三十有五生三角者
一元祐元年距元符三年郡國言民家牛生二犢者十
有五大觀元年閬州達州言牛生二犢四年三月帝謂
起居舍人宇文粹中曰牛產二犢亦載之起居注中豈

若野蠶成蠶之類民賴其利乃為瑞邪自是史官不復
盡書政和五年七月安武軍言郡縣民范濟家牛生麒麟
重和元年三月陝州言牛生麒麟宣和二年十月尚
書省言歙州歙縣民鮑珙家牛生麒麟三年五月梁縣
民邢喜家牛生麒麟紹興元年紹興府有牛戴必突入
城市觸馬裂腹出腸時衛卒多犯禁屠牛牛受刃而逸
近牛禍也十六年靜江府城北二十里有奔犢以角觸
人於壁腸胄出牛狂走兩日不可執卒以射死十八年

五月依政縣牛生二犢二十一年七月遂寧府牛生二犢者三二十五年八月漢中牛生二犢淳熙十二年仁和縣良渚有牛生二首七日而死餘杭縣有犢二首十六年三月池州池口鎮軍屯牛狂走觸人死慶元三年樂平縣田家牛生犢如馬一角鱗身肉尾農以不祥殺之或惜其為慶同縣萬山牛生犢人首

淳化三年正月乙卯京師雨土占曰小人叛自後李順盜據益州景德元年七月辛亥黃氣出壁長五尺餘占

曰兵出二年正月丙寅黃白氣環之大中祥符元年正月癸亥朔黃氣出於艮占曰主五穀熟二年九月戊午黃氣如柱起東南方長五丈許天禧五年襄州鳳林鎮道側地涌起高三尺濶八尺知州夏竦以聞明道元年十月庚子夜黃白氣五貫紫微垣景祐元年八月壬戌夜有黃白氣如彗長七尺餘出張翌之上凡三十有三日不見治平元年三月壬戌雨土十二月己亥雨黃土熙寧五年十二月癸未七年三月戊午並雨黃土八年

五月丁丑雨黃土兼細毛元豐二年十一月丁亥五年
三月乙巳六年四月辛未雨土元祐七年正月戊午天
雨塵土主民勞苦宣和元年三月庚午雨土著衣主不
肖者食祿紹興十一年三月庚申涇州雨黃沙十八年
十一月壬辰肆赦天有雲赤黃近黃祥也太史附秦檜
旨奏瑞乾道四年三月己丑雨土若塵淳熙四年二月
戊戌雨土五年二月壬午甲申四月丁丑六年十一月
乙丑十一年正月辛卯甲寅十三年正月壬寅亦如之

十五年九月庚子南方有赤黃氣紹熙四年十月甲寅
雨土五年四月癸卯亦如之十月乙未天有黃赤色占
曰是為天變色先赤後黃近黃赤祥也十一月辛亥雨
土慶元元年二月己卯十一月己丑天雨塵土三年正
月丙子四月丙午十一月甲申天雨塵土六年正月己
巳閏月丁未十月己丑雨土九月辛丑十一月辛卯天
雨塵土嘉泰元年六月己卯九月己未十二月辛丑天
雨塵土嘉定三年正月丙午天雨塵土八年二月己未

五月辛未天雨塵土九年十二月癸巳天雨土十年二月
癸巳雨土十二年二月癸巳天雨塵土十三年二月
辛卯天雨塵土十六年二月戊子天雨塵土紹定三年
三月丁酉雨土嘉熙二年四月甲申雨土三年三月辛
卯天雨塵土淳祐五年二月丙寅朔天雨塵土十一年
五月乙亥天雨塵寶祐三年三月巳未雨土六年二月
壬辰天雨塵土開慶元年三月辛酉雨土景定五年二
月辛未雨土德祐元年三月辛巳終日黃沙蔽天或曰

喪氛

乾德三年京師地震

史失日月

五年十一月許州開元觀老

君像自動知州宋偓以聞六年正月簡州普通院毗盧

佛像自動至道二年十月潼關西至靈州夏州環慶等

州地震城郭廬舍多壞占云兵饑是時西夏寇靈州明

年遣將率兵援糧以救之關西民饑咸平二年九月常

州地震壞鼓角樓羅務軍民廬舍甚衆四年九月慶州

地震者再六年正月益州地震景德元年正月丙申夜

京師地震癸卯夜復震丁未夜又震屋皆動有聲移時
方止癸丑冀州地震占云土工興有急令兵草興是時
契丹犯塞二月益黎雅州地震三月邢州地震不止四
月己卯夜瀛州地震五月邢州地復震不止十一月壬
子日南至京師地震癸丑石州地震四年七月丙戌益
州地震己丑渭州瓦亭砦地震者四大中祥符二年三
月代州地震四年六月昌眉州並地震七月真定府地
震壞城壘天聖五年三月泰州地震七年京師地震景

祐四年十二月甲子京師地震甲申忻代并三州地震
壞廬舍覆壓吏民忻州死者萬九千七百四十二人傷
者五千六百五十五人畜擾死者五萬餘代州死者七
百五十九人并州千八百九十人寶元元年正月庚申
并忻代三州地震十二月甲子京師地震慶歷三年五
月九日忻州地大震說者曰地道貴靜今數震搖兵興
民勞之象也四年五月庚午忻州地震西北有聲如雷
五年七月十四日廣州地震六年二月戊寅青州地震

三月庚寅登州地震巨嶋山摧自是震不已每震則海
底有聲如雷五月甲申京師地震七年十月乙丑河陽
許州地震皇祐二年十一月丁酉夜秀州地震有聲自
北起如雷嘉祐二年雄州北界幽州地大震大壞城郭
覆靡者數萬人五年五月己丑京師地震治平四年秋
漳泉建州邵武興化軍等處皆地震潮州尤甚折裂泉
浦靡覆州郭及兩縣屋宇士民軍兵死者甚衆八月己
巳京師地震熙寧元年七月甲申地震乙酉辛卯再震

八月壬寅甲辰又震是月涇城東阿二縣地震終日滄州清池莫州亦震壞官私廬舍城壁是時河北復大震或數刻不止有聲如雷樓櫓民居多摧覆壓死者甚衆九月戊子莫州地震有聲如雷十一月乙未京師及莫州地震十二月癸卯瀛州地震大震丁巳冀州地震辛酉滄州地震湧出沙泥船板胡桃螺蚌之屬是月潮州地震再震是歲數路地震有一日十數震有踰半年震不止者二年十月庚戌南郊東墻門內地陷有天寶十三年

古墓元豐元年邕州佛像動搖初像動夏人入寇又動而州大火其後儂智高叛復動於是知州錢師孟投其像於江中八年二月甲戌賓州嶺方縣地陷五月丙午京師地震元祐二年二月辛亥代州地震有聲四年春陝西河北地震七年九月己酉蘭州鎮戎軍永興軍地震震十月庚戌朔環州地再震紹聖元年十一月丙戌太原府地震二年十月十一月河南府地震是歲蘇州自夏迄秋地震十三年三月戊戌夜劔南東川地震九月

已酉滁州沂州地震四月六月己酉太原府地震有聲
元符元年七月壬申夜雲霧蔽天地震良久二年正月
壬申恩州地震八月甲戌太原府地震三年五月己巳
太原府又震建中靖國元年十一月辛亥太原府潞晉
縣代石嵐等州岢嵐威勝保化寧化軍地震彌旬晝夜
不止壞城壁屋宇人畜多死自後有司方言祥瑞郡國
地震多抑而不奏政和七年六月詔曰熙河環慶涇原
路地震經旬城砦關堡城壁樓櫓官私廬舍並皆推塌

居民覆壓死傷甚衆而有司不以聞其遣官按視之宣和四年北方用兵雄州地大震玄武見於州之正寢有龜大如錢蛇若硃漆筋相逐而行宣撫使焚香再拜以銀奩貯二物俄俱死六年正月京師連日地震宮殿門皆動有聲七年七月己亥熙河路地震有裂數十丈者蘭州尤甚陷數百家倉庫俱沒河東諸郡或震裂建炎二年正月戊戌長安地大震金將婁宿圍城彌旬無外援乘地震而入城遂陷紹興三年八月甲申地震平江

府湖州尤甚是歲劉豫臨鄧隨等州金人犯蜀四年四
川地震五年五月行都地震六年六月乙巳夜地震自
西北有聲如雷餘杭縣為甚是冬劉麟猊犯順寇濠壽
州七年地震二十四年正月戊寅地震二十五年三月
壬申地震二十八年八月甲寅夜震三十一年三月壬
辰地震三十二年七月戊申地震隆興元年十月丁丑
地震六月甲寅又震乾道二年九月丙午地震自西北
方四年十二月壬子石泉軍地震三日有聲如雷屋瓦

皆落時綿竹有冤獄云淳熙元年十二月戊辰地震自
東北方九年十二月壬寅夜地震十年十二月丙寅地
震十二年五月庚寅地震慶元六年九月東北地震十
一月甲子地震東北方嘉定六年四月行都地震六月
丙子淳安縣地震九年二月辛亥東西川地大震四日
十年二月庚申地震自東南十二年五月地震六月西
川地震十四年正月乙未夜地震大雷五月丙申西川
地震寶慶元年八月己酉地震嘉熙四年十二月丙辰

地震淳祐元年十二月庚辰夜地震寶祐三年蜀地震
咸淳七年嘉定府城震者三

雍熙三年階州福津縣常峽山圯壅白江水逆流高十
丈許壞民田數百里淳化二年五月名山縣大風雨登
遼山圯壅江水逆流入民田害稼咸平元年七月庚午
寧化軍汾水漲壞北水門山石摧圯軍士有壓死者二
年七月庚寅靈寶縣暴雨崖圯廨居民死者二十二戶
三年三月辛丑夜大澤縣三陽砦大雨崖摧壓死者六

十二年四年正月成紀縣山摧壓死者六十餘人景德
四年七月成紀縣崖圯壓死居民天禧五年九月丙寅
華州少華山前阜頭峰越八盤領及谷摧陷於石子坡
東西五里南北十里潰散墳裂湧起堆阜各高數丈長
若隄岸至陷居民六社凡數百戶林木廬舍亦無存者
並山之民言數年以來峯上常有雲每遇風雨即隱隱
有聲是夜初昏畧無風雨山上忽霧起有聲漸大地遂
震動不及食頃而山摧元祐元年十二月鄭縣界小敷

谷山摧傷居民紹興十二年十二月陝西不雨五穀焦
枯涇渭灞滄皆竭時秦民以饑離散壯者為北人所買
郡邑遂空紹熙四年秋南嶽祝融峯山自摧劔門關山
摧五年十二月臨安府南高峯山自摧慶元二年六月
辛未台州黃巖縣大雨水有山自徙五十餘里其聲如
雷草木冢墓皆不動而故址潰為淵潭時臨海縣清潭
山亦自移嘉泰二年七月丁未閩建安縣山摧民廬之
壓者六十餘家嘉定六年六月丙子嚴州淳安縣長樂

鄉山推水湧九年黎州山崩咸淳十年天目山崩熙寧
元年荆襄間天雨白皚如馬尾長者尺餘彌漫山谷三
十百潭州雨毛八年五月丁丑雨黃毛紹熙四年十
月癸酉地生毛咸淳九年江南平地產白毛臨安尤



宋史卷六十七

宋史卷六十七考證

五行志五土閏州饑。閏州應作潤州。

端拱二年京師暴風起東北云云。臣台南按此條及淳化三年六月丁丑二條已備見於前文恒風條下矣。此又複出史文失於未加刊削者也。

二年正月丙寅黃白氣環之。按環之上當有脫文其氣出何方或在何星也。

宋史卷六十七考證

欽定四庫全書

史部
宋史卷六十八
九

詳校官編修臣邱庭滢

洗馬臣王坦修覆勘

覆校官編修臣沈清藻

校對官主事臣張培

謄錄監生臣周雲翮

欽定四庫全書

宋史卷六十八

元中書右丞相總裁托克托等修

律歷志第二十一

律歷一

應天乾元儀天歷

古者帝王之治天下以律歷為先儒者之通天人至律
歷而止歷以數始數自律生故律歷既正寒暑以節歲
功以成民事以序庶績以凝萬事根本由茲立焉古人

自入小學知樂知數已曉其原後世老師宿儒猶或弗
習律歷而律歷之家未必知道各師其師岐而二之雖
有巧思豈能究造化之統會以識天人之蘊奧哉是以
審律造歷更易不常卒無一定之說治效之不古若亦
此之由而世豈察及是乎宋初承五代之季王朴制律
歷作律準以宣其聲太祖以雅樂聲高詔有司考正和
峴等以影表銅臬暨羊頭柎黍累尺制律而度量權衡
因以取正然累代尺度與臬殊黍有巨細縱橫容積

諸儒異議卒無成說至崇寧中徽宗任蔡京信方士聲
為律身為度之說始大鑿乎古矣顯德欽天曆亦朴所
制也宋初用之建隆二年以推驗稍踈詔王處訥等別
造新曆四年曆成賜名應天未幾氣候漸差太平興國
四年行乾元曆未幾氣候又差繼作者曰儀天曰崇天
曰明天曰奉元曰觀天曰紀元迨靖康丙午百六十餘
年而八改曆南渡之後曰統元曰乾道曰淳熙曰會元
曰統天曰開禧曰會天曰成天至德祐丙子又百五十

年復八改歷使其初而立法脗合天道則千歲日至可
坐而致奚必數數更法以求幸合玄象哉蓋必有任其
責者矣雖然天步惟艱古今通患天運日行左右既分
不能無忒謂七十九年差一度雖視古差密亦僅得其
槩耳又况黃赤道度有斜正闊狹之殊日月運行有盈
縮朒朙表裏之異測北極者率以千里差三度有奇晷
景稱是古今測驗止於岳臺而岳臺豈必天地之中餘
杭則東南相距二千餘里華夏幅員東西萬里發歛晷

刻豈能盡諧又造歷者追求歷元踰越曠古抑不知二
帝授時齊政之法畢殫於是否乎是亦儒者所當討論
之大者諉曰星翁歷生之責可哉至於儀象推測之具
雖亦數改若熙寧沈括之議宣和璣衡之制其詳密精
緻有出於淳風令瓚之表者蓋亦未始乏人也今其遺
法具在方冊惟奉元會天二法不存舊史以乾元儀天
附應天今亦以乾道淳熙會元附統元開禧成天附統
天大抵數異術同因仍增損以追合乾象俱無以大相

過備載其法俾來者有考焉

昔黃帝作律呂以調陰陽之聲以候天地之氣堯則欽
若歷象以授人時以成歲功用能綜三才之道極萬物
之情以成其政化者也至司馬遷班固叙其指要著之
簡策自漢至隋歷代祖述益加詳悉暨唐貞觀迄周顯
德五代隆替踰三百年博達之士頗亦詳緝廢墜而律
志皆闕宋初混一寓內能士畢舉國經王制悉復古道
漢志有備數和聲審度嘉量權衡之目後代因之今亦

用次序以志于篇曰備數周禮保氏教國子以六藝其
六曰九數謂方田粟米差分少廣商功均輸方程贏朒
旁要是為九章其後又有海島孫子五曹張邱建夏侯
陽周髀綴術緝古等法相因而起歷代傳習謂之小學
唐試右千牛衛曹參軍陳從運著得算經其術以
因折而成取損益之道且變而通之皆合於數復有徐
仁美者作增成玄一法設九十三問以立新術大則測
於天地細則極於微妙雖粗述其事亦適用於時古者

命官屬於太史漢魏之世皆在史官隋氏始置算學博士於國庠唐增其員宋因而不改曰和聲周禮典同掌六律六同之和凡為樂器以十有二律為之數度古之聖人推律以制器因器以宣聲和聲以成音比音而為樂然則律呂之用其樂之本歟以其相生損益數極精微非聰明博達則罕能詳究故歷代而下其法或存或闕前史言之備矣周顯德中王朴始依周法以秬黍校正尺度長九寸虛徑三分為黃鐘之管作律準以宣其

聲宗乾德中太祖以雅樂聲高詔有司重加考正時判太常寺和峴上言曰古聖設法先立尺寸作為律呂三分損益上下相生取合真音謂之形器但以尺寸長短非書可傳故累柜黍求為準的後代試之或不符合會西京銅望臬可校古法即今司天臺影表銅臬下石尺是也及以朴所定尺比較短於石尺四分則聲樂之高蓋由於此况影表測於天地則管律可以準繩上乃令依古法以造新尺并黃鐘九寸之管命工人校其聲臬下

於朴所定管一律又內出上黨羊頭山柎黍累尺校律亦相符合遂下尚書省集官詳定衆議僉同由是重造十二律管自此雅音和暢曰審度者本起於黃鐘之律以柎黍中者度之九十黍為黃鐘之長而分寸尺丈引之制生焉宋既平定四方凡新邦悉頒度量於其境其偽俗尺度踰於法制者去之乾德中又禁民間造者由是尺度之制盡復古焉曰嘉量周禮稟氏為量漢志云物有多少受以量本起於黃鐘之管容柎黍千二百而

龠合升斗斛五量之法備矣太祖受禪詔有司精考古式作為嘉量以頒天下其後定西蜀平嶺南復江表泉浙納土并汾歸命凡四方斗斛不中式者皆去之嘉量之器悉復升平之制焉曰權衡之用所以平物一民知輕重也權有五曰銖兩斤鈞石前史言之詳矣建隆元年八月詔有司按前代舊式作新權衡以頒天下禁私造者及平荆湖即頒量衡於其境淳化三年三月三日詔曰書云協時月正日同律度量衡所以建國經而立

民極也國家萬邦咸乂九賦是均顧出納於有司繫權衡之定式如聞秬黍之制或差毫釐錘鈞為姦害及黎庶宜令詳定稱法著為通規事下有司監內藏庫崇儀使劉承珪言太府寺舊銅式自一錢至十斤凡五十一輕重無準外府歲受黃金必自毫釐計之式自錢始則傷於重遂尋究本末別制法物至景德中承珪重加參定而權衡之制益為精備其法蓋取漢志子穀秬黍為則廣十黍以為寸從其大樂之尺

秬黍黑黍也樂尺自黃鐘之管而生也謂

以拒忝中者為就成二術二術謂以尺因度尺而求釐

寸者丈尺之總名焉因樂尺之源起於忝而成於寸析

寸為分析分為釐析釐為毫析毫為絲析絲為忽十忽

為絲十絲為毫十自積忝而取釐從積忝而取釐則十

毫為釐十釐為分皆以銅為之以釐忝為釐十釐為銖二

十四銖為兩皆以銅為之以釐釐為釐十釐為銖二

三毫以星準之等一錢半者以取一稱之法其衡合樂

尺一尺二寸重一錢錘重六分盤重五分初毫星準半

錢至稍總一錢半析成十五分列十釐第一毫下等

釐若十五斤半錢當五十中毫至稍一錢析成十分列十釐末毫

稱等五斤也

宋史

七

至稍半錢析成五分分列十釐等一兩者亦為一稱之

則其衡合樂分尺一尺四寸重一錢半錘重六錢盤重

四錢初毫至稍布二十四銖下別出一星等五索

每銖之下

復出一星等五索則四十八星等二百四十索計二千四百索為十兩

中毫至稍五錢布

十二銖列五星星等二索

布十二銖為五錢之數則一銖等十索都等一百二十索

為半末毫至稍六銖銖列十星星等索

每星等一索都等六十索為二

錢半以御書真草行三體淳化錢較定實重二銖四索為

一錢者以二千四百得十有五斤為一稱之則其法初

以積黍為準然後以分而推忽為定數之端故自忽絲

毫釐黍系銖各定一錢之則

謂皆定一錢之則然後制取等稱也

忽萬為

分

以一萬忽為一分之則以十萬忽定為一錢之則忽者吐絲為忽分者始微而著言可分別也

絲則

千

一千絲為一分以一萬絲定為一錢之則

毫則百

一百毫為一分以一千毫定為一錢之則毫者

毫毛也自忽絲毫三者皆斷驥尾為之

釐則十

一十釐為一分以一百釐定為一錢之則釐者釐牛

尾毛也曳赤金成絲為之也

轉以十倍倍之則為一錢

轉以十倍謂自萬忽至十

萬忽之類黍以二千四百枚為一兩

一龠容千二百黍為十二銖則以二

千四百黍定為一兩之

系以二百四十

謂以二百四十黍定為一兩之

則銖以二十四

轉相因成。銖為銖則以二百四十銖定成二十四銖為一兩之則銖者言殊異。

遂成其稱稱合黍數則一錢半者計三百六十黍之重

列為五分則每分計二十四黍又每分析為一十釐則

每釐計二黍十分黍之四

以十釐分二十四黍則每釐先得二黍都分成四十分則

一釐又得四分是每釐得二黍十分黍之四

每四毫一絲六忽有差為一黍

則釐銖之數極矣一兩者合二十四銖為二千四

百黍之重每百黍為銖十黍為釐二銖四釐為錢二

釐四黍為分一釐二黍重五釐六黍重二釐五毫三黍

重一釐二毫五絲則黍黍之數成矣其則用銅而鏤文以識其輕重新法既成詔以新式留禁中取太府舊稱四十舊式六十以新式校之乃見舊式所謂一斤而輕者有十謂五斤而重者有一式既若是權衡可知矣又比用大稱如百斤者皆懸鈞於架植鏤於衡鏤或偃手或抑按則輕重之際殊為懸絕至是更鑄新式悉由黍黍而齊其斤石不可得而增損也又令每用大稱必懸以絲繩既置其物則却立以視不可得而抑按復鑄銅

式以御書淳化三體錢二千四百暨新式三十有三銅牌二十授於太府又置新式於內府外府復頒于四方大都凡十有一副先是守歲吏受天下歲貢金帛而太府權衡舊式失準得因之為姦故諸道主者坐逋負而破產者甚衆又守歲更代校計爭訟動必數載至是新制既定奸弊無所指中外以為便

度量權衡皆太府掌造以給內外官司及

民間之用凡遇改元即差變法各以年號印而識之其印面有方印長印八角印明制度而防偽濫也

宋

初用周顯德欽天曆建隆二年五月以其曆推驗稍踈

乃詔司天少監王處訥等別造歷法四年四月新法成
賜號應天歷太平興國間有上言應天歷氣候漸差詔
處訥等重加詳定六年表上新歷詔付本監集官詳定
會冬官正吳昭素徐瑩董昭吉等各獻新歷處訥所上
歷遂不行詔以昭素瑩昭吉所獻新歷遣內臣沈元應
集本監官屬學生叅校測驗考其疎密秋官正史端等
言昭吉歷差昭素瑩二歷以建隆癸亥以來二十四年
氣朔驗之頗為切準復對驗二歷唯昭素歷氣朔稍均

可以行用又詔衛尉少卿元象宗與元應等再集明歷
術吳昭素劉內真苗守信徐瑩王熙元董昭吉魏序及
在監官屬史端等精加詳定象宗等言昭素歷法考驗
無差可以施之永久遂賜號為乾元歷應天乾元二歷
皆御製序焉真宗嗣位命判官司天監史序等考驗前
法研覈舊文取其樞要編為新歷至咸平四年三月歷
成來上賜號儀天歷凡天道運行皆有常度歷象之術
古今所同蓋變法以從天隨時而推數故法有疎密數

有繁簡雖條例稍殊而綱目一也今以三曆參相考校以應天為本乾元儀天附而注之法同者不復重出法殊者備列于後

建隆應天曆

演紀上元木星甲子距建隆三年壬戌歲積四百八十

二萬五千五百五十八乾元上元甲子距太平興國六年辛巳積三千五百四萬三千

九百七十七儀天自上元土星甲子至咸平四年辛丑積七十一萬六千四百九十七

步氣朔元法一萬二乾元率九百四十儀天宗法一萬一百又總謂之日法

歲盈二十六萬九千三百六十五

乾元歲周二十一萬四千七百六十四儀

天歲周三十六萬八千八百九十七儀天有周天三百六十五餘二千四百七十約餘二千四百四十五歲餘五萬二千九百七十餘二千四百七十應天乾元無此法後皆倣此

月率五萬九千七十三

乾元不置此法儀天合率二十九萬八千二百五十九又儀天

有歲閏一萬九千八百六十二月閏九千一百一十五秒六

會日二十九小餘五千三百七

乾元朔策二十九小餘一千五百六十儀天會

日二十九小餘五千三百五十七

弦策七小餘三千八百二十七秒六

乾元小餘一千一百二十五儀天小

餘三千八百六十四
秒二十七策並同

望策十四小餘七千六百五十四秒一十二乾元小餘二千二百

五十七儀天小餘七千二百
二十七秒一十八策並同

氣策十五小餘二千一百八十五秒二十四乾元小餘六百四十

二半儀天小餘三千二百七秒三策並同
又儀天有氣盈四千四百一十四秒六

朔虛分四千六百九十五乾元一千三百八十儀
天四千七百四十一

沒限七千八百一十六秒九乾元二千二百九十七半
儀天七千八百九十二又

儀天有紀實
六十萬六千

秒法二十四

乾元一百儀天秒母三十六

紀法六十

二歷同

推元積

乾元儀天皆謂之求歲積分

置所求年以歲盈展之為元積

求天正所盈之日及分并冬至大小餘以八十四萬一

百六十八去元積不盡者半而進位以元法收為所盈

日不滿為小餘日滿六十去之不滿者命從甲子算外

即冬至日辰大小餘也

乾元以歲周垂積年為歲積分以七萬五百六十去之不盡以

五因滿元率收為日不滿為餘日儀天以歲周垂積年進一位為歲積分盈宗法而一為積日不滿為餘日去

命並同
應天

求次氣以天正冬至大小餘徧加諸常數盈六十去之

不盈者命如前即得諸氣日辰大小餘秒也

乾元置中氣大小餘

以氣策加之命以前即次氣日辰也儀天置冬至大小餘加氣及餘秒盈秒母從小餘盈紀法去之皆命如前法各得次氣常日辰及餘秒

求天正十一月朔中日

乾元謂之經朔儀天謂之天正合朔

以月率去元

積不盡者為天正十一月通餘以通餘減七十三萬六
百三十五餘半而進位以元法收為日不滿為分即得

所求天正十一月朔中日及餘秒

乾元以一萬七千三百六十四去歲積分

不盡為朔餘以歲積分為朔積分又倍五萬二千九百二十除之餘以五因滿元率為日不滿為分儀天以合率去歲積分不盡為閏餘滿宗法為閏日不滿為餘以閏日及餘減天正冬至大小餘為天正合朔大小餘去命如前即得合朔日辰大小餘

求次朔望中日

乾元謂之求弦望經朔儀天謂之求次朔

置朔中日累加弦

策餘秒即得弦望及次朔中日

乾元以弦策加經朔大小餘即得次朔經日以

弦策及餘秒加經朔得上弦再加得望三之得下弦

求望中月置朔中月加半交盈交正去之餘為望中月

二歷不
立此法

求朔弦望入氣置朔望中日各以盈縮準去不盡者為

入氣日及分

二歷不
立此法

推沒日置有沒之氣小餘

其小餘七千八百一十六秒九以上者求之也

返減

元法餘以八因之一千九十二秒一十九半餘為沒日

命起氣初即得沒日辰其秒不足者退一分加二十四

秒然後除之四分之三以上者進

乾元置有沒之氣小餘在二千五百九十

六半以上者以十五乘之用減四萬四千七百四十二半餘以六百四十二半除為沒日儀天以秒母通常氣

小餘及秒而從之以減歲周餘滿五
十一百九十七為沒日去命如前

推減日以冬至大小餘徧加朔日中為上位有分為下
位在四千六百九十五以下者為有減之分也置有減
之分進位以一千五百六十五除為減日以減日加上

位命從甲子算外即得月內減日

乾元置有減之經朔
小餘在一千一百八

十以下者以八因之滿三百六十八除為減日儀天經
朔小餘在朔虛法以下者二因進位以朔虛分除為減
日

求發歛

候策五小餘七百二十八秒二母二十四乾元候數五小餘一百一

十四秒十二秒母七十二儀天候率五小餘七百三十五秒二十五秒母三十六

卦策六小餘八百七十四秒六乾元卦位六小餘二百五十七秒母六十儀天

卦率六小餘八百八十三秒二十

土王策十二小餘一千七百四十八秒一十二乾元策三小餘

一百八十八半秒母一百一十儀天土王率三小餘四百四十秒五秒母同上

辰數八百二十二半乾元辰法二百四十五辰率千五百二十

刻法一百乾元一百四十七儀天刻三百

求七十二候各因諸氣大小餘秒命之即初候日也各

以候策加之得次候日又加之得末候日

二厯同法

求六十四卦各置諸中氣大小餘秒命之即公卦用事

日以卦策加之得次卦用事日又加之得終卦用事日

十有二節之初皆諸候外卦用事日

二厯同法

求五行用事各因四立大小餘秒命之即春木夏火秋

金冬水首用事日以土王策加四季之節大小餘秒命

從甲子算外即其月土王用事日

乾元以土王策減四季中氣大小餘儀天

以土王率加
四季大小餘

求二十四氣加時辰刻

乾元謂之長刻
儀天謂之求時

各置小餘以辰

數除之為時數不滿百收為刻分命起子正算外即所

在

乾元時數同其不盡以五因之以刻法除為刻分儀
天以三因小餘以辰率除之為時數不盡者滿刻率

除為刻
餘為分

當氣

月中節
四正卦

初候

中候

末候

始卦

中卦

末卦

冬至

十月中
坎初六

蚯蚓結

麋角解

水泉動

蚯蚓蟄

辟復

蟄內

小寒

十一月節
坎九二

雁北鄉

鵲始巢

雉始雊

雉始鳴

大夫謙

卿睽

大寒

十二月
中
坎六三

鷄始乳

鷺鷥厲疾

水澤腹堅

公升

辟臨

侯小過內

立春

正月節
坎六四

東風解凍

蟄蟲始振

魚上冰

侯小過外

大夫蒙

卿益

雨水

正月
中
坎九五

獺祭魚

鴻雁來

草木萌動

公漸

辟泰

侯需內

驚蟄

二月節
坎上六

桃始華

倉庚鳴

鷹化為鳩

侯需外

大夫隨

卿晉

春分

二月中
震初九

玄鳥至

雷乃發聲
始電

公解

辟大壯

侯豫內

清明

三月節
震六二

桐始華

田鼠化鴽

虹始見

侯豫外

大夫訟

卿蠱

穀雨

三月中
震六三

萍始生

鳴鳩拂羽

戴勝降桑

公草

辟夬

侯旅內

立夏

四月節
震九四

螳螂鳴

蚯蚓出

王瓜生

侯旅外

大夫師

卿比

白露 <small>八月節 離上九</small>	處暑 <small>七月中 離五</small>	立秋 <small>七月節 離九四</small>	大暑 <small>六月中 離九三</small>	小暑 <small>六月節 離六二</small>	夏至 <small>五月中 離初九</small>	芒種 <small>五月節 震上六</small>	小滿 <small>四月中 震六五</small>
鴻鴈來	鷹乃祭鳥	涼風至	腐草為螢	溫風至	鹿角解	蟠螂生	苦菜秀
玄鳥歸	天地始肅	白露降	土潤溽暑	蟋蟀居壁	蜩始鳴	鴟始鳴	靡草死
羣鳥養羞	禾乃登	寒蟬鳴	大雨時行	鷹乃學習	半夏生	反舌無聲	小暑至
侯巽外	公損	侯恒外	公履	侯鼎外	公咸	侯大有外	公小畜
大夫萃	辟否	大夫節	辟遯	大夫豐	辟姤	大夫家人	辟乾
卿大畜	侯巽內	卿同人	侯恒內	卿渙	侯鼎內	卿井	侯大有內

秋分

兌九月初九

雷乃收聲

蟄蟲始蟄

水始涸

公貴

辟觀

侯歸妹內

寒露

兌九月初二

鴻雁來賓

雀入為蛤

菊有黃花

侯歸妹外

大夫无妄

卿明夷

霜降

兌九月初三

豺乃祭獸

草木黃落

蟄蟲咸俯

公困

辟剝

侯艮內

立冬

兌九月初九

水始冰

地始凍

雉始雊

侯艮外

大夫既濟

卿噬嗑

小雪

兌九月初五

虹藏不見

天氣上騰地氣下降

閉塞成冬

公大過

辟坤

侯未濟內

大雪

兌九月初六

鶡鴠不鳴

虎始交

荔挺出

侯未濟外

大夫蹇

卿頤二曆同

求日躔

天總七十三萬六百五十八秒六十四

乾元軌率二十一萬四千七十

七秒七千五百一十小分七十儀天乾元
數三百六十八萬九千八百八十八秒九十九

天度三百六十五小餘二千五百六十三微八十八元乾

周天三百六十五度小餘二千五百六十三儀天乾則
三百六十五度小餘二千五百六十八秒九十九應天
諸法皆在天總數中乾元儀天各立其法乾元周天筭
一百七萬三千八百五十三秒七千五百五十三半會
周一萬七千三百六十四會餘二十一萬四千七百六
十四天中一百八十二千二百八十一半儀天歲差
一百一十八秒九十九象度九十一餘三千一百四
十二秒五十盈初縮末限分八十九萬七千六百九十
九秒五十限日八十八餘八千八百九十九秒五十縮
初盈末限分九十四萬六千七百八十五秒十五限日
九十三餘七千四百八十五秒五十盈縮積二萬四
千五百四十三進退率一千八百三十六秒母一百

常氣盈縮準 常數 定日 損益準 先後積

冬至四

辛酉四十五秒十五

五

壬子百廿五秒十五

酉

辛酉四十五秒十五

損六十四

後二十

小寒九

壬子二百八十六

三

癸卯四百三十七秒十二

酉

癸卯四百三十七秒十二

損六十九

先五百二十九

大寒四三

癸卯五百五十二

五

甲辰六百五十五秒十

酉

甲辰六百五十五秒十

損七十六

先九百七十五

立春五八

甲辰七百三十二

卒

乙巳七百四十二

酉

乙巳七百四十二

損七十二

先一千三百三十五

雨水十三

乙巳九百六十三

庚

丙午九百二十六

五

丙午九百二十六

損十九

先一千六百六

驚蟄十八

丙午一千八百三十四

空

丁未一千一百一十一

五

丁未一千四百七十七

損九十七

先一千七百七十一

春分四

丁未一千三百三十三

真

戊申五千二百九十九

五

戊申二千八百九十九

益九十七

先一千百一十九

<p>奪尊<small>六百二十九</small> 九</p>	<p>小尊<small>三千六百八十三</small> 十八</p>	<p>夏至<small>辛五百四十九</small></p>	<p>種尊<small>六千二百三十三</small> 半</p>	<p>小滿<small>六千省九十七</small> 二十一</p>	<p>竟尊<small>八千七百六十六</small> 五 六</p>	<p>穀雨<small>一千八百一十五</small> 十五</p>	<p>清明<small>六千六十一</small> 空</p>
<p>真<small>二千七百七十六</small> 秒九</p>	<p>真<small>五百九十二</small> 天</p>	<p>真<small>八千四百九</small> 秒三</p>	<p>真<small>六千二百二</small> 十三半</p>	<p>真<small>四千二十一</small> 秒二十</p>	<p>真<small>一千八百六</small> 秒</p>	<p>真<small>六千六百六</small> 秒五</p>	<p>真<small>七千四百八十</small> 三 空</p>
<p>十五<small>一千三百三十六</small> 秒五</p>	<p>十五<small>一千一百三十六</small> 秒五</p>	<p>十五<small>九千三百二十七</small> 秒五</p>	<p>十五<small>九千三百七十二</small> 秒五</p>	<p>十五<small>八千一百三十六</small> 秒五</p>	<p>十五<small>六千九百四十七</small> 秒五</p>	<p>十五<small>五千七百五十七</small> 秒五</p>	<p>十五<small>四千三百二十八</small> 秒十五</p>
<p>損七十七</p>	<p>損七十二</p>	<p>損六十五</p>	<p>益六十六</p>	<p>益七十二</p>	<p>益七十八</p>	<p>益六十三</p>	<p>益六十九</p>
<p>後<small>九百八十五</small></p>	<p>後<small>五百四十九</small></p>	<p>先<small>五</small></p>	<p>先<small>五百四十一</small></p>	<p>先<small>九百九十五</small></p>	<p>先<small>一千三百五十</small></p>	<p>先<small>一千六百五</small></p>	<p>先<small>一千七百八十</small></p>

宋史

宋史

十九

森皇 六千三百十六
空

皇 四千九百六
四
空

十五 五千七百五十六
秒十五

損八十三

後 一千三百四十六

處皇 七百一十二
十五

皇 七千二百四十九
秒五

十五 四千三百二十八
秒五

損八十九

後 一千六百一十一

白皇 三千六百十二
六

皇 七千一百四十九
秒五

十五 四千三百二十六
秒五

損九十七

後 一千七百八十

愁皇 五千十三二十一

皇 七千五百一十八
秒一

十五

益九十七

後 一千八百三十一

寒露皇 五千一百零二

百四 三千七百四
半

十五 四十二秒十五

益六十九

後 一千七百六十六

霧皇 三千四百十一
三

皇 五千八百九十
十
秒三

十四 八千六百一十
六
秒三

益六十二

後 一千六百二十

交皇 二千六百六十四
一六

皇 八千七十五
太

十四 七千四百二十五
秒十五

益七十五

後 一千三百五十七

小皇 七千四百十九

皇 三百九十九
秒五

十四 六千三百三十六
秒十五

益七十

後 九百八十八

大雪

三十四百四十五

三

二十四百四十

酉

五千四十五
秋十五

益六十四

後

五百五十

乾元二十四氣日躔陰陽度

陰陽分

陰陽度

損益率

陰陽差

冬至

陽分 二千一百十六

陽度空

益 二百七十

陽差 空

小寒

陽分 二千七百六十四

陽初度 二千一百六十六

益 二百三十三

陽差 二百七十

大寒

陽分 二千三百零四

陽一度

益 一百一

陽差 三百三

立春

陽分 九百五十六

陽一度 二千四百零四

益 七十一

陽差 四百四

雨水

陽分 五百一十一

陽二度 四百十

益 四十三

陽差 四百七十五

夏至	芒種	小滿	立夏	穀雨	清明	春分	驚蟄
陰分 <small>辛酉去六</small>	陽分 <small>辛酉去六</small>	陽分 <small>辛酉去四</small>	陽分 <small>辛酉去四</small>	陽分 <small>辛酉去六</small>	陽分 <small>辛酉去一</small>	陽分 <small>辛酉去四</small>	陽分 <small>辛酉去四</small>
陰度 <small>空</small>	陽初度 <small>辛酉去六</small>	陽一度 <small>辛酉去</small>	陽一度 <small>辛酉去四</small>	陽二度 <small>辛酉去</small>	陽二度 <small>辛酉去一</small>	陽二度 <small>辛酉去</small>	陽二度 <small>辛酉去二</small>
益 <small>一百七十</small>	損 <small>一百七十</small>	損 <small>一百三十三</small>	損 <small>一百一</small>	損 <small>七十一</small>	損 <small>四十三</small>	損 <small>十四</small>	益 <small>十四</small>
陰差 <small>空</small>	陽差 <small>一百七十</small>	陽差 <small>三百三</small>	陽差 <small>四百四</small>	陽差 <small>四百七十五</small>	陽差 <small>五百一十八</small>	陽差 <small>五百三十二</small>	陽差 <small>五百十八</small>

霜降	寒露	秋分	白露	處暑	立秋	大暑	小暑
陰分 九百十六	陰分 五百十一	陰分 二百九十四	陰分 二百九十四	陰分 五百十一	陰分 九百五十六	陰分 一千四百四	陰分 一千四百四
陰二度 四百十	陰二度 一千六十一	陰二度 二千二百五	陰二度 二千零一	陰二度 四百十	陰二度 二千四百四	陰二度 一千四百	陰二度 二千零七十六
損 七十一	損 四十三	損 十四	益 十四	益 四十三	益 七十一	益 二百一	益 二百三十三
陰差 四百七十五	陰差 五百一十八	陰差 五百二十一	陰差 五百十八	陰差 四百七十五	陰差 四百四	陰差 三百三	陰差 一百七十

立冬

陰分 字音器

陰一度 字音器

損百一

陰差 四百四

小雪

陰分 字音器

陰一度 字音器

損百三十三

陰差 三百三

大雪

陰分 字音器

陰初度 字音器

損百七十

陰差 一百七十

應天乾元二歷以常氣求其陰陽差故有二十四氣立成儀天以盈縮定分四限直求二十四氣陰陽差乃更

不制二十四氣差法

求日躔損益盈縮度

乾元謂之求每日陰陽差儀天謂之求入盈縮分先後定數

各

置定日及分以冬至常數相減百收通為分自雨水後十六為法自霜降後十五為法除分為氣中率二相減

為合差半之加減率為初末率

後多者減為初加為末後少者加為初減為末

又法以除合差為日差

後少者日損初率後多者日益初率

為每日日躔

損益率累積其數為盈縮度分

乾元各置氣數以一百二十乘之以一千八百

二十六除之所得為平行率相減為合差初末並如應天儀天以宗法乘盈縮積以其限分除之為限率分倍之為末限平率日分乘之亦以限分除之為日差半之加減初末限平率在初者減初加末在末者減末加初為末定率乃以日差累加減限初定率初限以減末限以加為每日盈縮定分各隨其限盈加縮減其下先後數為每日先後定數冬至後積盈為先在縮減之夏至後積縮為後在盈減之其進退率昇平積準此求之即各得其限每日進退率昇積也

求日躔先後定數

乾元謂之求入氣求弦望氣入求日躔陰陽差

各以朔弦望

入氣日及減本氣定日及分秒通之下以損益率展以

元法為分損減益加次氣下先後積為定數

乾元以其月氣節減

經朔大小餘即得入氣日及分又以弦策累加天正朔日入氣大小餘滿氣策去之即得弦望經朔入氣日及分以其日損益率乘入氣日餘分所得用損益其日陰陽差為定數儀天法見上又儀天有求四正節定日去冬夏二至盈縮之中先後皆空以常為定其春秋二分盈縮之極以一百乘盈縮積滿宗法為日先減後加去命如前各得定日若求朔弦望盈縮限日以天正閏日及餘減縮末限日及分餘為天正十一月經朔加時入限日及餘以弦策累加之即得弦望及後朔初末限日各置入限日及餘以其日進退率乘之如宗法而所得

以進退其日下
昇平即各為定

赤道宿度

斗二十六

牛八

女十二

虛十

及分

危十七

室十六

壁九

二厯同

北方七宿九十八度虛分二千五百六十三秒

一十九

乾元七千五百三十五秒二十五
儀天二千五百八十八秒九十九

奎十六

婁十二

胃十四

昴十一

畢十七

觜一

參十

西方七宿八十一度

二曆同

井三十三

鬼三

柳十五

星七

張十八

翌十八

軫十七

南方七宿一百一十一度

二曆同

角十二

亢九

氐十五

房五

心五

尾十八

箕十一

東方七宿七十五度

二曆同

又儀天云前皆赤道度自古以來累依天儀測定用為常準赤道者天中紘帶儀極攸憑以格黃道

也

求赤道變黃道度

乾元謂之求黃道度儀天謂之推黃道度

準二至赤道日

躔宿次前後五度為限初限十二每限減半終九限減

盡距二立之宿減一度少強又從盡起限每限增半九

限終於十二距二分之宿皆乘限度身外除一餘滿百

為度分命曰黃赤道差二至前後各九限以差為減二

分前後各九限以差為加各加減赤道度為黃道度有

餘分就近收為大半少之數

乾元初率九每限減一末率一儀天初數一百七每

限減一十未率二十七其
餘限數加減並同應天

黃道宿度

斗二十三度半

牛七度半

二歷同

女十二度太

二歷並十一度半

虛十度小強

二千五百六十三秒十九乾元無分儀天六十三分九十九秒

危十七度少

乾元同儀天十七度太

室十六度太

壁十度

乾元九度太儀天同

北方七宿九十七度二千五百六十三秒十九

乾元

九十六度半儀天九十七度半六十三秒九十九

奎十七度半

二歷同

婁十二度太

乾元十三度儀天同

胃十四度少

二歷並十四度太

昴十一度

二曆同

畢十六度半

乾元同儀天十六度少

觜一度

參九度少

二曆並同

西方七宿八十二度少

乾元八十三度儀天八十二度半

井三十度

鬼二度太

二曆並同

柳十四度半

乾元儀天十四度少

星七度

乾元儀天並六度太

張十度少

乾元同儀天十八度太

翌十九度少

乾元十九度儀天同

軫十八度太

二曆同

南方七宿一百一十度半

乾元一百九度太儀天同

角十三度

亢九度半

二曆並同

氏十二度少

乾元儀天並十五度半

房五度

二歷同

心五度

乾元同儀天四度太

尾十七度少

乾元同儀天十七度

箕十度

乾元十度太儀天十度

東方七宿七十五度少

乾元七十六度儀天七十四度太

求赤道日度

儀天謂之推日度

以天總除元積為總數不盡半

而進位又以一百收總數從之以元法收為度不滿為

分秒命起赤道虛宿四度分

乾元以軌率去歲積分餘以五因之滿軌率收為度

不滿退除為分餘同儀天以乾數去歲積分宗法收為度命起虛宿二度餘同應天又以一象度及餘秒累加

之滿赤道宿度即去之各得四正即初日加時赤道日度也

求黃道日度置冬至赤道日躔宿度以所入限數乘之

所得身外除一滿百為度不滿為分用減赤道日度為

冬至加時黃道日度及分

乾元儀天亦如其法乾元即以八十四儀天以一百一除

為度餘
同應天

求朔望常日月

乾元謂之求黃道平朔日度

置朔望日躔先後定數

進一位倍之身外除之以元法收為度分先加後減朔

望中日月為朔望中常日月度分用加冬至黃道之宿

命如前即得朔望常日月所在

乾元置會周一萬七千三百六十以距十一月

後來月數乘之所得減去朔餘加會餘而半之以二百九十四收為度不盡退除為分儀天法在後乾元又有求黃道加時朔日度置平朔日以日躔陽加陰減之又以冬至黃道日度加而命之即其朔加時黃道日度及分也若求望日度者以半朔榮加之即得望日度及分也用陽度即依本術

每日加時黃道日度

乾元謂之每日行分

以定期望日所在相減

餘以距後日數除之為平行分二行分相減為合差半

之加減平行分為初行分

後平行多減為初後平行少加為初以距後日

數除合差為日差後少者損後多者益為每日行分累

加朔望日即得所求

乾元同儀天不立此法又儀天有求次正定日加時黃道日度置歲

差以限數乘之退一位滿一百一為差秒及小分再折之乃以加一象度所得累加冬至黃道日滿黃道宿次去之各得四正即加時黃道日度也若求四正定日夜半黃道日度置其定日小餘副之以其日盈縮分乘之半黃道法而一盈加縮減其副乃以減其日加時即為夜半黃道日度又有求每日夜半日度因四正初日夜半度累加一榮以其日盈縮分盈加縮減滿黃道宿次去之即得每日夜半日度又有求定朔望加時日度置定朔望小餘副之以其日盈縮分乘之以宗法收之為分盈加縮減其副以加其日夜半度各得其時加日躔兩次如朔望有進退者此術不用

宋史卷六十八

宋史卷六十八考證

律歷志一使其初而立法脗合天道○而當作時

曰權衡之用○

臣名南

按前後文勢權衡上脫權衡二

字

宋初用周顯德欽天歷云云○

臣名南

按此一段為下

數卷總綱應提行寫而舊本誤接連前文也

北方七宿九十八度虛分二千五百六十三秒 一十

九○

臣名南

按虛分之上應空一格而一十九三字

當連上秒字為句

宋史卷六十八考證